

訂唐王燾先生外臺秘要方卷第六目錄

霍亂及嘔吐
二十九門

霍亂病源論三首

霍亂吐痢方一十二首

霍亂臍上築方三首

霍亂腹痛吐痢方七首

霍亂不止及洞下洩痢方八首

霍亂後脉絕手足冷方四首

霍亂煩躁方八首

霍亂衆藥療不効方二首

乾濕霍亂及痰飲方五首

霍亂心腹痛方三首

霍亂煩渴方四首

霍亂乾嘔方五首

霍亂轉筋方一十四首

霍亂雜灸法二十六首

三焦脉病論二首

上焦熱及寒吐痢腸鳴短氣方九首

中焦熱及寒洩痢方三首

下焦熱方六首

下焦虛寒方六首

許仁則霍亂方三首

雜療霍亂方四首

乾嘔方六首

嘔噦方四首

噦方七首

嘔逆吐方八首

嘔逆不下食方八首

許仁則療嘔吐方四首

雜嘔吐噦方三首

噦醋方七首

唐王燾先生外臺秘要方第六卷

宋朝散大夫守光祿卿直秘閣判登聞鼓院上護軍臣林億等 上進

新安後學程衍道敬通父訂梓

門人鄭康宸莫乙父全校

霍亂病源論三首

病源霍亂者由人溫涼不調陰陽清濁二氣有相干亂之時其亂在於腸胃之間者因遇飲食而變發則心腹絞痛其有先心痛者則先吐先腹痛者則先痢心腹並痛者則吐痢俱發挾風而實者身發熱頭痛體疼而復吐痢虛者但吐痢心腹刺痛而已亦有飲酒食肉好食腥膾生冷過

度或居處不節或露卧濕地或當風取涼而風冷之氣歸於三焦傳於脾胃脾胃得冷則不磨不磨則水穀不消化亦令清濁二氣相干脾胃虛弱便生吐痢水穀不消則令心腹脹滿皆成霍亂霍亂有三名一名胃反言其胃氣虛逆反吐飲食也二名霍亂言其病揮霍之間便致撩亂也三名走哺言其哺食變逆者也診其脉來代者霍亂又脉代而絕者亦霍亂霍亂脉大可療微細不可療霍亂吐下脉微遲氣息劣口不欲言者不可療也養生方云七月食蜜令人暴下發霍亂

出第二十二卷中

千金論曰原夫霍亂之爲病也皆因食飲非關鬼神飽食

升陽
升陽
升陽
升陽

脾膈復食乳酪海陸百品無所不啖眠卧冷席多飲寒漿
胃中諸食結而不消陰陽二氣擁而反戾陽氣欲降陰氣
欲升陰陽乖隔變成吐痢頭痛如破百節如解遍體諸筋
皆爲廻轉論證雖小卒病之中最爲可畏雖臨深履危不
足以喻之也養生者宜達其旨趣庶可免於天橫者矣

又凡霍亂務在溫和將息若冷則遍體轉筋凡此病定已
後一日不食爲佳仍須三日少少喫粥三日以後乃可恣
意食息也七日勿雜食爲佳所以養脾氣也

出第二十卷中

霍亂吐痢方一十二首

廣濟療霍亂吐痢扁豆湯方

扁豆葉

升一

香薷葉

升一

木瓜 一枚

乾薑

一兩

上宋本
有切

右四味以水六升煮取二升五合絞去滓分溫三服服

別相去如人行六七里並無所忌

又療冷熱不調霍亂吐痢宿食不消理中丸方

人參 八分

白朮 八分

甘草 八分炙

乾薑 六分

高良薑 八分

桂心 六分

下宋本
有服

右六味擣篩蜜丸空腹以飲下梧子大三十九日二服

漸加至四十丸老小以意減之忌生冷油膩生葱海藻

菰菜桃李雀肉等物

又療霍亂冷熱不調吐痢高良薑湯方

高良薑

五兩

木瓜

杜梨枝葉

三兩

右三味切以水六升煮取二升絞去滓空腹溫三服服

別如人行六七里無所忌

並出第四卷中

小品霍亂吐痢心煩亂髮湯主之方

亂髮

一握燒焦

人參

一兩

吳茱萸

一升

甘草

一兩炙

右四味切以水三升酒二升煮取二升絞去滓溫服五

合忌海藻菰菜

又療霍亂吐痢已服理中及四順湯不解者以竹葉湯方

竹葉

一虎口

小麥

一升

生薑

十兩

甘草

一兩炙

人參

一兩

附子

一兩炮

肉桂

二兩

當歸

二兩

一握燒焦
作一握
大鴨子
燒令
焦

口字下
象本有
切之
三字

芍藥 一兩

白朮 三兩

橘皮 二兩

右十一味以水一斗半先煮小麥竹葉取八升汁去滓
內諸藥煮取二升半分三服吐痢後腹滿加厚朴二兩
炙上氣加吳茱萸半升差理中四順則大熱熱毒霍亂
宜竹葉湯忌生葱海藻菰菜猪肉桃李雀肉等
並同 千金古
今錄驗

又霍亂吐痢而汗出小便復利或下利清穀裏外無熱脉
微欲絕或惡寒四肢拘急手足厥逆四逆加猪膽湯主之
方

甘草 二兩
炙

乾薑 半兩
炮

附子 一枚
生

猪膽汁 半
合

八

加至之

加至之

刪繁以

下八字

下

右四味切以水二升煮取一升四合温分再服無猪

以羊膽代之強人可與大附子一枚乾薑加至三兩若

吐之後吸吸少氣者及下而腹滿者加人參一兩諸藥

皆減爲一兩如證者亦宜與理厥人參湯佳忌海藻菰

菜猪肉刪繁千金經心錄同

又四順湯與前療同常用此方

人參三兩

乾薑二兩

甘草二兩

附子二兩

右四味切以水六升煮取二升絞去滓温分三服轉筋

肉冷汗出嘔噦者良忌海藻菰菜猪肉千金同刪繁范

加龍骨二兩妙

又白丸療霍亂嘔吐及暴痢良方

半夏

三兩洗

附子

四兩炮

乾薑

四兩炮

人參

三兩

桔梗

二兩

右五味作散臨病和之若吐痢不止者以苦酒和之飲

服二丸如梧子不差復服耐藥者加之以意下者用蜜

和丸亦得忌猪羊肉餚

范汪同並出第四卷中

崔氏理中丸療三焦不通嘔吐不食并霍亂吐逆下痢及

不得痢悉主之方

人參

三兩

乾薑

二兩炮

白朮

三兩

甘草

三兩炙

右四味擣篩蜜和丸如梧子平旦取粥清服五丸日再

藥字上
宋本有
本字

服一方乾薑三兩忌海藻菰菜桃李雀肉等

出第二卷中

延年理中丸療霍亂吐痢宿食不消方

白朮 二兩

乾薑 二兩炮

人參 二兩

甘草 二兩炙

大麥蘖 二兩炒黃

右五味擣篩蜜和爲丸以飲服十五丸如梧子大日再

服稍加至二十丸忌海藻菰菜桃李雀肉等

出第六卷中

必効理中散主霍亂及轉筋吐痢不止方

青木香 六分

桂心 八分炙

厚朴 八分炙

甘草 八分炙

白朮 八分

乾薑 十分炮

附子 六分炮

右七味擣篩爲散飲服兩錢匕如人行五六里不定更服一錢匕差止忌海藻菰菜生葱猪肉桃李雀肉等

又方

若熱霍亂則渴心煩欲得冷水喫則宜恣意飲冷水及土漿取足定止

霍亂臍上築方三首

病源霍亂而氣築悸者由吐下之後三焦五藏不和而水氣上乘於心故也腎主水其氣通於陰若吐下則三焦五藏不和故脾氣亦虛不能制水水不下宜與氣俱上乘心其狀起臍下上從腹至心氣築築然而悸動不定也

仲景論霍亂臍上築者腎氣動也先療氣理中湯去木加
千金之
文
又按傷
寒論人
參三兩

仲景論霍亂臍上築者腎氣動也先療氣理中湯去木加
桂凡方加木者以內虛也加桂者恐作奔豚也理中湯方
人參 二兩 甘草 三兩 白朮 三兩 乾薑 三兩
右四味切以水八升煮取三升去滓溫服一升日三夜
一若臍上築者腎氣動也去木加桂心四兩吐多者去
木加生薑三兩若下多者復用木悸者加茯苓二兩若
先時渴喜得水者加木合前成四兩半若腹中痛者加
人參合前成四兩半若惡寒者加乾薑合前成四兩半
若腹滿者去木加附子一枚炮去皮破六片服湯後一

食頃飲熱粥一升許汗微出自溫勿發揭衣被也忌海

藻菰菜桃李雀肉等千金備急文仲崔氏集驗必効小品古今錄驗並同

又霍亂臍上築者以吐多故也若吐多者理中湯主之方

如前法加減霍亂四逆吐少嘔多者附子粳米湯主之方

附子 一枚炮

半夏 半升洗

甘草 一兩炙

大棗 一 枚

粳米 半升

右五味切以水八升煮米熟去滓溫服一升日三忌羊

肉猪肉海藻菰菜錫

方有乾薑一兩小品千金同出第十七卷中

范汪療霍亂臍上築悸茯苓理中湯方

茯苓 二兩

甘草 三兩炙

乾薑 一兩炮

宋本炮
字下有
去皮破
六片五
字洗字
下有完
用二字
枚字下
有壁字
一方以
下七字
在下

人參 三兩

木瓜 三兩

右五味㕮咀以水六升煮取三升去滓適寒溫分爲四

服忌海藻菜酢物

出第四卷中

霍亂腹痛吐痢方七首

廣濟療霍亂腹痛吐痢方

取桃葉切三升以水五升煮取一升三合分溫二服

出第四卷中

范汪理中加二味湯療霍亂胃滿腹痛吐下方

人參 三兩

乾薑 三兩炮

甘草 三兩炙

白朮 三兩

當歸 二兩

芍藥 二兩